


O Talafou o le Konafesi



Lesona o le Olaga mai le Perofeta



Na atoa le 99 tausaga o Peresitene Nelson i le tausaga nei! I lana lauga, sa ia faaso mai ai nisi o lesona na ia aoaina i le toeitiiti atoa le 100 tausaga o le olaga. Sue i le itulau e 2 e faitau ai mea sa ia aoao mai.



“O le talalelei a Iesu Keriso o se fuafuaga lea ua faali mai ai ia i tatou le auala e avea ai ma tagata ua finagalo lo tatou Tama Faalelagi e avea ai.”

Peresitene Dallin H. Oaks, Fesoasoani Muamua i le Au Peresitene Sili



“O Iesu o le Keriso. O Ia o lo tatou Faaola, o lo tatou Togiola. O Ia o la tatou uo mamae.”

Peresitene M. Russell Ballard, Sui Peresitene o le Korama a Aposetolo e Toasefululua



“Ona o Iesu Keriso, e mafai ai ona LELEI mea uma.”

Sister Amy A. Wright, Fesoasoani Muamua i le Au Peresitene Aoao o le Peraimeri

Sefuluai ma Taulaga

I le konafesi, sa matou aoaina ai nisi o auala e faaoga ai e le Ekalesia a tatou tupe o sefuluai ma foi e faamanuia ai tagata i le lalolagi atoa!

- I le tausaga ua tea, sa faaoga ai le silia ma le **1 piliona** tala Amerika, e faamanuia ai i latou sa manaomia le fesoasoani.
- O le isi **54 miliona** tala Amerika, sa fesoasoani i tina ma fanau e le tagolima.
- E fesoasoani le sefuluai e lagolago ai le silia ma le **71,000** faifeautalai o loo auaina atu i misiona e **414**.
- E fesoasoani foi le sefuluai e tausia ai aulotu e **30,000** i atunuu ma teritori e **195**.



Maimoaina o le Konafesi i le salafa o le Lalolagi



Ona o le eseese o le taimi, matou te matamata ai i sauniga o le taeco o le konafesi i le afiafi. Sa matou fiafia lava

ina ua faasilasila mai e Peresitene Nelson ia malumalu fou!

Sofia D., 11 tausaga, Bratislava Region, Slovakia



O le matamata i le konafesi na ou mana'o ai ia ou latalata atu ia Iesu Keriso. O Ia o le Leoleo Mamoe

Lelei, ma e popole o Ia ia i tatou, o Ana mamoe. O nisi taimi tatou te fesesea'i teisi ai, ae e afio mai lava o Ia e saili i tatou.

Efrain C., 9 tausaga, San Juan Province, Atenitina



Matou te saunia mo le konafesi e ala i le o e faatau ni meaai mama ma malolo ina ia matou le momoe i le ogatonu o le konafesi. Matou te tatalo o se aiga mo le malamalama ma faitau tusitusiga paia. Ou te fiafia lava e faalogo i se perofeta soifua ma faalogo i le afioga a le Atua.

Runakorwashe S., 7 tausaga, Eria i Saute, Malawi

20 Malumalu!

E 20 malumalu fou na faasilasila mai i le konafesi! Faaoga se faafanua e sue ai nofoaga fou taitasi o malumalu. Valivali le avanoa i le auivi o le malumalu pe a e mauaina nuu taitasi.

